

## ***U' dirittu chi veni da' panza***

*Signuri meji, viditi ùnni arrivammu,  
no si capìu cchjiù nenti 'nta stu munnu,  
cuntuannu 'a sta manèra  
finemu tutti misi 'nta na cantunera.*

*I fimmini si misuru i pantaluni,  
i masculi no sunnu cchjiù patruni,  
'nta casa u' maritu quantu 'a scupa cunta  
e u' rotulu pisa menu da' giunta.*

*Sintiti, sintiti chi si v`a dicennu :  
chi i fimministi vonnu fatta 'a liggi,  
e sta cosa stannu quasi ottinennu,  
chi u' cugnomi da' matri s'ava 'a ddari e' figghji,  
picchè idda i porta novi misi 'nta panza.*

*No c'è cchjiù munnu e mancu crianza,  
no c'è cchjiù rispettu né tulleranza.*

*Omini tutti, lassati ogni spiranza  
cuntuannu 'i stu passu 'a cunti fatti,  
facili è fari certi privisioni :*

*sar`a l'omu in cucina a lavari i piatti  
e a' fimmina 'a vardarisi 'a tilivisioni,  
magari fumannusi na sicaretta.*

*E autri cosi brutti l'omu s'aspetta.*

*Fineru i tempi chi Betta filava  
quannu a' vita era dura e faticusa,  
ma sicuramente era menu fitusa.  
Fineru i tempi di canonici 'i lignu  
quannu tutta a' vita era impegnu.*